

Anketa Tremujore e Forcave të Punës

Tremujori IV 2025

Tiranë, më 10 Mars 2026: Ky njoftim për media paraqet tregues kryesor tremujor të tregut të punës mbi pjesëmarrjen në forcat e punës, punësimin dhe papunësinë.

Pjesëmarrja në forcat e punës

Në tremujorin e katërt të vitit 2025, shkalla e pjesëmarrjes në forcat e punës, për popullsinë 15-64 vjeç është 75,9 %.

- Krahasuar me tremujorin e katërt të vitit 2024, ky tregues është rritur me 0,4 pikë përqindje;
- Krahasuar me tremujorin e mëparshëm, ky tregues është ulur me 0,6 pikë përqindje.

Papunësia

Në tremujorin e katërt të vitit 2025, shkalla e papunësisë për popullsinë 15 vjeç e lart është 8,3 %.

- Krahasuar me tremujorin e katërt të vitit 2024, ky tregues është ulur me 0,5 pikë përqindje;
- Krahasuar me tremujorin e mëparshëm, ky tregues është rritur me rreth 0,2 pikë përqindje.

Punësimi

Në tremujorin e katërt të vitit 2025, shkalla e punësimit për popullsinë 15 vjeç e lart është 58,5 %.

- Krahasuar me tremujorin e katërt të vitit 2024, ky tregues është rritur me 0,9 pikë përqindje.
- Krahasuar me tremujorin e mëparshëm, ky tregues është ulur me 0,3 pikë përqindje.

Fig. 1 Ndryshimi vjetor dhe tremujor i punësimit për popullsinë 15 vjeç e lart





Fig. 1 Treguesit e tregut të punës sipas grup-moshës dhe gjinisë



Për më shumë informacion dhe për të parë tabelat e detajuara, vizitoni bazën e të dhënave në faqen zyrtare të INSTAT: [Punësimi dhe papunësia](#), si dhe në seksionin e tabelave në website në temën: [Punësimi dhe Papunësia](#)

Metodologjia

Anketa Tremujore e Forcave të Punës (ATFP) është një vërtetim statistikor që kryhet pranë familjeve, me qëllim ofrimin e informacionit mbi tregun e punës në Shqipëri. Ky informacion është i rëndësishëm për hartimin dhe vlerësimin e politikave të tregut të punës. ATFP përdor të dhënat e Censit të Popullsisë dhe Banesave 2023 për zgjedhjen e kampionit, me një madhësi prej 7.906 familjesh për tremujorin e katërt të 2025. Zgjedhja bëhet në dy hapa: fillimisht, zonat gjeografike zgjidhen me probabilitet përpjesëtimor, dhe pastaj, brenda çdo zone, një numër fiks familjesh zgjidhen me probabilitet të barabartë.

Anketa ka një strukturë paneli, ku familjet intervistohen për pesë tremujorë radhazi, me periudhë intervistimi pas çdo 13 javësh. Të dhënat mbledhen përmes intervistave direkte me anëtarët e familjeve që janë mbi 15 vjeç. Shkalla e përgjigjes për tremujorin e tretë 2025 ishte 80%. Për përgjithësimin e të dhënave, përdoren të dhënat nga Cens 2023 dhe ngjarjet demografike të regjistruara nga Drejtoria e Përgjithshme e Gjendjes Civile.

Përkufizime

Popullsia në moshë pune konsiderohen të gjithë personat 15-64 vjeç.

Të punësuar konsiderohen personat që kanë punuar, madje dhe për një orë, gjatë javës së referencës, përfshirë ata që marrin trajnim paguar ose kanë munguar përkohësisht (për arsye si leje lindje, sëmundje, etj.).

Të papunë konsiderohen personat që ishin pa punë gjatë javës së referencës, janë të gatshëm për punë dhe po kërkojnë punë aktivisht.

Forca e punës përfshin të punësuarit dhe të papunë.

Popullsia jo-ekonomikisht aktive konsiderohen personat që nuk janë të punësuar apo të papunë (si nxënës, pensionistë, të paaftë).

Shkalla e punësimit është raporti i të punësuarve ndaj popullsisë në moshë pune. Shkalla e papunësisë është raporti i të papunëve ndaj forcës së punës. Shkalla e pjesëmarrjes është raporti i forcës së punës ndaj popullsisë në moshë pune.

Notë shpjeguese mbi treguesit kryesorë të tregut të punës

Treguesit e tregut të punës për shkallën e punësimit dhe pjesëmarrjes në forcën e punës llogariten për popullsinë 15-64 vjeç, duke qenë më të saktë dhe kuptimplotë.

Shkalla e papunësisë llogaritet për popullsinë ekonomikisht aktive (15 vjeç e lart), dhe nuk ndikohet nga personat në pension. Përfshirja e pensionistëve në shkallët e punësimit dhe pjesëmarrjes mund të ulë saktësinë e rezultateve, ndërsa shkalla e papunësisë pasqyron vetëm individët aktivë në kërkim të punës.

Cilësia e statistikave të tregut të punës

Rezultatet e Anketës së Forcave të Punës të paraqitura në këtë njoftim për media janë kalibruar, duke përdorur popullsinë rezidente sipas rezultateve të Censit të Popullsisë dhe Banesave 2023.

Të dhënat e paraqitura në këtë botim janë rivlerësuar, duke filluar nga tremujori i dytë 2023, deri në tremujorin e katërt 2025. Treguesit e Tregut të Punës do të jenë objekt i revizionimeve të mëtejshme.

Treguesit kryesorë të tregut të punës vlerësohen nga Anketa Tremujore e Forcave të Punës. Anketa është bazuar në një zgjedhje probabilitare prej 7.900 njësisish ekonomike familjare. Zgjedhja e njësisë ekonomike familjare është bërë e tillë që të sigurojë vlerësime sa më të sakta për treguesit kryesorë të tregut të punës. Pra, nga anketa mund të sigurohen vlerësime dhe jo shifra ekzakte për numrin e të punësuarve dhe të

papunëve. Për çdo vlerësim që merret nga anketa llogaritet varianca e zgjedhjes për të tretë se si do të ndryshonte vlerësimi nëse do të kryheshin zgjedhje të ndryshme të rastit me të njëjtin vëllim për të njëjtën periudhë, në vend të një zgjedhjeje të vetme. Kjo na lejon që të përcaktojmë kufijtë brenda të cilëve duhet të gjendet vlerësimi (që në terminologjinë statistikore njihet si intervali i besimit).

Në përgjithësi, sa më e vogël të jetë vlera e devijimit standard relativ të një vlerësimi aq më i lartë është niveli i saktësisë së vlerësimit. Në tabelën 1, paraqiten devijimi standard relativ dhe intervali i besimit për treguesit kryesorë të tregut të punës për popullsinë 15 vjeç e lart.

Tab. 4 Devijimet standarde të përgjithshme të zgjedhjes për treguesit kryesorë të tregut të punës

Indikatori	Numri personave në punësim (15+)	Shkalla e punësimit (%)	Numri personave të papunë (15+)	Shkalla e papunësisë (%)
Vlerësimi	1.172.550	58,48 %	105.906	8,28 %
SE	24.314	0,69 %	7.406	0,56 %
CV	2,07	1,18	6,99	6,82
CI- Lower	1.124.822	57,12 %	91.368	7,24 %
CI-Upper	1.220.279	59,83 %	120.444	9,46 %

(*) për nivelin e besueshmërisë 95 %

Shkalla e papunësisë për popullsinë e moshës 15+ vjeç vlerësohet 8,28 %, me një devijim standard prej 0,56 %. Për një nivel besueshmërie 95 %, intervali i besueshmërisë për këtë tregues varion nga 7,24 % deri në 9,46 %, kjo tregon se me 95 % besueshmëri vlera reale e shkallës së papunësisë është brenda këtij intervali.

Ndërkohë, përqindja e popullsisë 15+ vjeç që është në punësim vlerësohet 58,48 %, me një devijim standard prej 0,69 %. Për një nivel besueshmërie 95 %, intervali i besueshmërisë për këtë tregues varion nga 57,12 % deri në 59,83 %, kjo tregon se vlera reale e shkallës së punësimit në popullsi është brenda këtij intervali.